



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sylva Cogitationum Sacrarum Pro Cathedra Seu Conceptus Prædicabiles

Ex Præstantissimis Authoribus collecti ; Et In tres Classes divisi

Complectens Dies Festos Per Annum

Höger, Franz

Ingolstadij, 1726

VD18 90197097

Festum S. Laurentii M.

[urn:nbn:de:hbz:466:1-53072](https://nbn-resolving.org/urn:nbn:de:hbz:466:1-53072)

FESTUM
S. LAURENTII M.

Lat.

THESIS I. *Honorificabit eum Pa-
ter meus.* Joan. 12. v. 26. *Tria
sunt, quæ beatum Laurentium com-
mendant. I. Opera. II. Miracula.
III. Tormenta. Opera iusta, Mira-
cula clara, Tormenta crudelia. Inno-
cent. III. serm. 1. de S. Laurent.*

*Triples
ignis.*

THESIS II. *Non tetigit eos ignis,
neque contristavit, nec quidquam molestia
inulit.* Dan. 3. v. 50. *S. Lauren-
tius tanquam Phoenix Martyrum de
triplici igne triumphavit. I. Primo,
de Igne Profano, qui fuit in Tyranno,
scilicet Concupiscentiæ, quem in suo
corde extinxit, distribuendo Bona pau-
peribus. Nam Calor est omni affectu,
inquit Tereullianus l. de Passionibus. c. 4.
Savior ignibus Æternæ fervens amor ar-
det habendi. Boëtius l. 2. de Consol.
Phil. metro 2. item dæmon inflammat
concupiscentijs, quos non potest vexa-*

et tormentis. S. Aug. serm. 10. de Epiphany. II. de Igne Materiali, qui fuit instrumentum Supplicij sui, cui in tormentis suis forti animo insultavit Laurentius. III. de Igne invisibili, qui fuit Amor Dei, qui victoriâ claruit in cruento Sacrificio vitæ suæ. Similis Phœnici, cujus meminit Tertullianus lib. de Pallio c. 8. his verbis: de singularitate famosus, de posteritate monstruosus.

THESIS III. *Thronus ejus flammæ ignis.* Dan. 7. v. 9. ^{Triplicis} ^{Triumphus} ^{phus.} Triplex considerari potest Triumphus Laurentij. I. De Timore, Tyranno insultans. II. De Dolo, medijs in supplicijs deliciens. III. De Ardore, ignem igne superans. Vivien in Tertull. Prædic.

THESIS IV. *Thronus ejus flammæ ignis.* Dan. 7. v. 9. ^{Craticula} ^{quid Lano} ^{rentis} Craticula Laurentij fuit I. Cathedra, in qua docuit Patientiam, Constantiam, Dei Amorem. II. Lectus, propter Christi præsentiam, qua recreabatur, propter Paradisi gloriam, quam contemplantur, propter Inferni pœnam, à qua præservabatur. III. Thronus, in Urbe

Roma, in toto terrarum Orbe, in Cælo,
La Selve hù tom. 3.

*Avaritia
facit.*

THESIS V. *Nolite thesaurizare
vobis thesauros in terra.* Matth. 6. v. 19.
Avaritia, qua Tyrannus avidissime
thesauris Ecclesiæ inhiabat, ostendit
clare, quod Avaritia *sevos* efficiat. I.
Judices in viduas & pupillos. II. *Di-
vites* in pauperes & egenos. III. *Exa-
ctores* vectigalium in Rusticos & Ple-
beios. IV. *Fratres* in fratres, quos
patrimonio, & hæreditate spoliat. V.
Filios in Parentes, quos post mortem
suffragio frustrat. VI. *Parentes* in fi-
lios, quos per vim Religioni consecrat.
VII. *Tyrannos* in Martyres, uti hodie
videmus. *Avarus Scythâ tetrior, Massa-
getâ inhumanior*, teste Tertulliano l. I.
adv. Marcion. 1. Vivien.

*Avarus
ter miser.*

THESIS VI. *Sic est, qui sibi the-
saurizat, & non est in Deum dives.* Luc.
12. v. 21. Avarus considerari potest
vel in vita, vel in morte, vel post mor-
tem, & ubique miser est, & miserabi-
lis, nam I. *In Vita*; vivit anxius, in
conquirendo, possidendo, & amittendo
thesauro. II. *In Morte*; moritur
impœnitens, & reus, quia nec Deo, nec
ho-

homini per justitiam satisfacit, hinc penitencia necessariò vana, quia caret fructu suo. *III. Post Mortem*, quia Christus in Evangelio quoque damnat, & prædamnat divites sæculi, dicens: *Vae vobis divitibus.* Id.

THEIS VII. *Avarus, quod est idolorum servitus, non habet hereditatem in Regno Christi.* Ephes. 5. v. 5. *Avaritia est Idololatria, nam. I. Propter divitias Deum contemnit, quia mandata transgreditur, beneficijs abutitur, Divinas Personas aggreditur. II. Divitias Deo præponit, nam plus quàm Deum æstimat, in ijs plus quàm in Deo sperat, eas plus quàm Deum amat. III. Divitias religiosè colit, quia iis obtemperat, eas adorat, iis se sacrificat.* Id.

Avaritia est Idololatria.

THESIS VIII. *Avaro autem nihil est scelestius.* Eccl. 10. v. 9. Nam: *I. Omnia mandata Dei transgreditur, quæ præcipiunt Pietatem erga Deum, Sobrietatè erga Semetipsum, Æquitatem erga Proximum. II. Omnes Virtutes aggreditur, scilicet tres Theo-*

Avarus scelestus.

logales, quatuor Cardinales, Morales, III. Omnia vitia prosequitur, dum comparat divitias, postquam comparavit eas, imò antequam comparat. *Id.*

Martyr.

THESIS IX. *Ignem me examinasti.* Ps. 16. v. 3. Martyres demonstrarunt I. Fidem inconcussam. II. Spem arduam. III. Charitatem perfectam. *Id.*

THESIS X. *De Sanguine Martyrum JESU.* Apoc. 17. v. 6. Trium genera Martyrum inveniuntur. I. Martyres Fides. II. Martyres Charitatis. III. Martyres Patientia.

Tortura.

THESIS XI. *Ignem me examinasti.* Ps. 16. v. 3. Suppliciorum tria sunt genera. I. Quaedam sunt Diuturna, sed magnum non afferunt dolorem, uti venenum lentum insensibiliter debilitans. II. Quaedam sunt Subita, quae diu non cruciant, sic gladius in momento detruuncat caput. III. Quaedam sunt Longa, & Violenta, diu durant, & acerbissime cruciant. Talia fuerunt S. Laurentij. Hinc ita nonnemo olim deprecabatur Judices: Si non impetro, ut diutius vivam, saltem impetrem,

trem, ne diutius moriar. Vivien in Tertull. verbo Supplicium.

THESIS XII. In tentatione inven-
tus est fidelis. Eccli. 44. v. 21. I. Mansit usque ad Tentationem. II. Mansit usque ad Tyrannicam Interrogationem. III. Mansit usque ad acerrimam Comminationem. IV. Mansit usque ad Peremptionem. S. Aug. de S. Laurentio. Tanta poena erat in membris, tanta securitas in verbis, Tanquam alius torqueretur, alius loqueretur. S. Aug. Et verè alius, si Superiorem ab inferiore hominem cum Paulo distinguas.

Perseverantia.

THESIS XIII. Momentaneum, & leve tribulationis nostrae. 2. Cor. 4. v. 17. Omnia quaecunque facimus, patimurque, parum est, & modicum in comparatione illius. I. Quod Deus meretur. II. Quod Caelum meretur. III. Et quod Christus sustinuit in aperiendo nobis caelo. Quod Tribulationis sustines, momentaneum est, quod Gloria praestolaris, aeternum est. Pet. Dam.

Tribulatio.

THESIS XIV. Patientia autem optus perfectum habet. Jacob. 1. v. 4. He-

Patientia.

He-

Homo patiens, homo heroicus. Nam omnes virtutes ejus heroicæ sunt, & divinæ. I. *Credit Heroicè*: credit enim, quod Deus ipsum amet, quando ipsum affligit; quod ipsi blandiatur, quando ipsum vulneribus tractat. O fides heroica! II. *Sperat Heroicè*: quia contra omnem Spem sperat. Semper tranquillus, quidquid ei accidat, & immobilis in ipso timore. O Spes heroica! III. *Amat Heroicè*: quia amat sine illicio, Deum ipsi, ut videtur, severum, & inexorabilem; osculatur virgam, quæ ipsum punit, & manum, quæ ipsum actu verberat. O Charitas heroica! IV. *Obedit Heroicè*: nam permittit se immolari sicut obediens Isaac. O obedientia heroica! V. *Humiliat se Heroicè*: nam credit se omnia pro merito supplicia, indignum omnis boni, utpote pro merito milites infernum. O humilitas heroica! *Crasset in Const. Sabbath. post Dom. 21. post Pent. punct. 1.*

Fides.

THESIS XV. *Resistite fortes in Fide.* I. Pet. 5. v. 9. Quando pro Fide res est, Fidelis loquatur Animo.

sc,

se, patiatur Generosè, moriatur Strenuè. Vide supra Festo S. Georgij thes. I.

THESIS XVI. *Ante Præsides & Martyr
Reges stabit propter me. Marc. 13. v. huius
temporis.*
10. I. Sunt Martyres, qui sub Paganis passi fuerunt. II. Sunt Martyres, qui sub Christianis Martyrium sustinuerunt. Illi primorum temporum, isti modernorum, & videtur, quòd isti sensibilius præ illis patiantur. Tam non desunt etiam inter Christianos Tyranni.

THESIS XVII. *Salvus erit, sic Per ignem
tamen, quasi per ignem. 1. Cor. 3. v. 15. ad cælum.*
Ita est: I. Vel per ignem Amoris. II. Vel per ignem Tribulationis. III. Vel per ignem Purgatorij ad cælum eundem est, per hanc viam iverunt igneam, quicumque eò pervenerunt.

THESIS XVIII. *Hic patientia San- Tribulat.
ctorum est. Apoc. 14. v. 12. Errat,
qui pati detrectat, nam I. Nulla Vir-
tus est sine contradictione. II. Nul-
lum Meritum sine patientia. III.
Nulla Salus sine cruce. IV. Nulla
Victoria sine pugna. Crasset in Con-
sid. ser. 2. post Dom. 6. Pasch.*

THE.

Tyranni
Martyres. THESIS XIX. *Irridens erude-*
lem Tyrannum. Mach. 7. v. 27. Ty-
ranni magis cruciabantur, quam Mar-
tyres, quos ipsi cruciabant, utpote qui
finem suum non obtinebant, & con-
temni se se ægreferebant, insuper ira
& furore exagitabantur; dum econ-
tra Martyres finem suum consecuti, à
Deo confortati, & patientia sua victo-
riam retulerunt. Paciuchellus l. 1. c.
n. 16. Hinc dici posset: Tyranni sunt
Martyres, & Martyres sunt Tyranni (ut ita
loquar) suorum Tyrannorum.

Mortifica-
sio. THESIS XX. *Nisi granum frumen-*
ti, cadens in terram, mortuum fuerit. Joana
12. v. 24. Ergo granum mortifican-
dum. Quid est Mortificatio, nisi Sa-
crificium Amoris? in quo S. Spiritus
Sacerdos est; Corpus Victima; Cor
Altare; Poena Culter; Amor Focus; Glo-
ria Fructus est. Crasset Confid. ser. 6.
post Cineres.

Adverb-
tas. THESIS XXI. *Nisi granum fru-*
menti &c. I. Quando Deo placet no-
bis immittere tribulationes, tunc eas
oportet respicere ut Castigationes. II.
Quando ipsi placet nos exponere Mi-
serijs, eas oportet recipere tanquam
Proq

Probationes. III. Quando Deus vult,
ut Afflictiones patiamur, eas oportet
suscipere veluti *Gratias*. *Distion. Apo-*
stolic.

THESIS XXII. *Patientia autem* *Patientia*
opus perfectam habet. Jacob. 1. v. 4.
Tres gradus habet *Patientia*, I. Pri-
mus est: *acceptare Crucem*, magna cum
submissione & resignatione. II. Se-
cundus est: *Gaudere de Cruce*, cum A-
postolis, qui gaudentes à conspectu
concilij &c. III. *Gloriari in Cruce*.
Absit mihi gloriari &c. *Communican-*
tes Christi passionibus gaudete &c. 1.
Pet. 4. Chappuis. Medit. 17. Sept.

THESIS XXIII. *Mittebant munera* *Bona Ec-*
sua in gazophylacium. Luc. 21. v. 1.
Laurentius disperfit, dedit pauperibus
facultates Ecclesiae: nam ipsae res fide-
lium, quae Domino offeruntur, non de-
bent in alios usus, quam Ecclesiasticos,
& Christianorum fratrum, vel indi-
gentium converti, quia I. *Vota sunt*
Fidelium: II. *Pretia peccatorum*: III.
Patrimonia Pauperum. *Breviar. Lect.*
de S. Urbano 25. May.

FE-